

第一二〇册

方輿彙編

職方典

淮安府部

揚州府部

(卷)

四一七五二

五三—七五五

古今圖書集成

中華書局影印



古今圖書集成

卷一百一十五

欽定古今圖書集成方輿彙編職方典

第七百四十一卷目錄

淮安府部彙考一

淮安府建置沿革考

淮安府疆域考

淮安府星野考

有圖
形勝附

職方典第七百四十一卷

淮安府部彙考一

淮安府建置沿革考

本府

通志

禹貢揚徐之域兼入青州春秋屬吳後屬越後屬楚漢初為楚後隸臨淮東海琅邪東漢屬廣陵郡東海下邳國三國屬魏為臨淮廣陵二郡地後又于贛榆置武陵郡晉為下邳國臨淮廣陵二郡又分廣陵置山陽郡又以淮北為北徐州劉宋屬臨淮廣陵下邳東海淮陽既失淮北于此置北兗州自是至梁皆為重鎮復于鬱州立青冀二州後兩淮多入于魏東魏齊周踵置郡縣或仍舊稱或標新制或南名北易或北號南更數州之間煩悉不可觀紀所署州縣歷今不改者東魏置海州北周置邳州置沐陽隋開皇間廢山陽郡為楚州大業初又併淮南為江都郡淮北為彭城下邳東海三郡唐初號楚州天寶初改淮陰郡屬淮南道其隸河南道者為

徐州彭城郡泗州臨淮郡海州東海郡彭城置

宿遷縣唐末為楊吳所有五代後周取之南唐

陞順化軍宋以淮陽一軍隸京東東路其楚海

安東三州清河一軍則隸之淮南東路焉置清

河縣金以海邳分隸山東東西二路改置睢寧

元至元中陞淮安路轄山陽九州縣屬江北淮

東道置桃園其邳州及屬縣轄河南歸德府屬

河南江北道統隸河南江北行省明改淮安府

兼淮之南北改安東為縣又以邳州自歸德來

屬領州縣共十一

皇清因之隸江南省江蘇布政使司領州二縣九

山陽縣

漢射陽縣地屬臨淮郡東漢屬廣陵郡晉改置

山陽縣又置山陽郡以境內有山陽地故名南

北朝宋齊俱因之梁省縣存郡屬北兗州北魏

郡縣俱復舊隸淮州隋廢郡置山陽縣隸江都

郡唐仍為縣屬楚州後屬淮陰郡五代南唐順

化軍宋端平間置淮安軍又改縣為淮安後復

山陽屬楚州又析置新城縣元因之省淮安等

縣入山陽屬淮安路明淮安府治

皇清因之編戶一百二十里

鹽城縣

漢鹽漬縣屬臨淮郡東漢屬廣陵郡晉義熙間

置鹽城縣屬山陽郡南北朝宋齊梁俱因之北

齊改射陽郡立懷恩縣陳復鹽城更立鹽城郡

隋廢郡存鹽城縣又立射州尋廢縣屬江都郡

唐屬淮陰郡五代南唐屬泰州宋初屬淮安軍

後山陽郡元屬淮安路明屬淮安府

皇清因之編戶九十一里

清河縣

漢曲陽縣以在淮曲之陽名晉至唐俱泗州清

河口地宋紹興中屯重兵于此咸淳末置清河

軍及縣元至元中省州存縣屬淮安路明屬淮

安府

皇清因之編戶一十三里

安東縣

漢襄贛昌慮縣屬東海郡魏晉因之南北朝東

魏置海西郡襄贛縣如故隋初郡廢改為漣水

縣屬東海郡唐置漣州貞觀初州廢以縣屬泗

州宋置漣水軍尋廢為縣屬楚州入金歸宋屬

寶應州景德初升安東州元安東州屬淮安路

明改安東縣屬淮安府

皇清因之編戶四十里

桃源縣

漢至五代宿遷桃園鎮地宋屬淮陽軍初入于

金後置淮濱縣屬泗州後廢縣元初復置桃園

縣隸淮安路後訛園為源明屬淮安府

皇清因之編戶四十八里

沐陽縣

春秋邾子國秦邾郡地漢厚丘陰平僅三縣地

屬東海郡東漢因之三國魏建陵僅地又置下

城隨省晉鄆厚丘地屬東海郡南北朝宋置僅

縣屬南彭城郡梁置潼陽郡東魏置沐陽郡轄

懷文縣北周併為沐陽縣隋因之屬海州唐屬

泗州後復屬海州五代宋因之南渡入于金尋復金屬海州元屬淮安路明屬淮安府

皇清因之編戶一十七里九鄉

海州

春秋郟子國秦胸縣屬薛郡漢胸東安二縣地屬東海郡後漢分置琅邪國三國魏為郟縣下城晉因之南北朝宋僑立青冀二州于此東魏改青冀二州為海州置琅邪郡海安縣屬之北齊徙海州治琅邪置東海郡東海縣隋廢海州為東海郡治朐山唐復海州又改東海郡宋復為州建炎初入于金隨復景定初置西海州元陞海州路尋改海寧府後復為海寧州屬淮安路明以州轄朐山贛榆二縣後省朐山州屬淮安府領縣一

皇清因之編戶六十里

贛榆縣

春秋魯東夷谷境魯會齊夾谷即此又為莒子國秦鬱州之地漢置贛榆縣屬琅邪郡又為東海郡祝其利城二縣地東漢因之三國魏改東海又置武林郡晉復贛榆屬東海郡南北朝宋因之省祝其利城齊屬青州北海郡增置廣饒梁復屬東海郡東魏隸海州廢武陵又置義塘郡置懷仁歸義二縣隸南青州隋省歸義仍懷仁屬東海郡唐復贛榆隨省入東海縣屬海州宋又稱懷仁與東海縣復屬東海郡金復贛榆屬海州元屬海州明如故

皇清因之編戶五十六里

邳州

古少皞氏遺墟夏邳國周郟子國春秋良邑晉會吳于此秦下邳縣屬郟郡漢因之析置良城又取慮在其西南屬東海郡東漢屬下邳國晉因之南北朝宋置下邳郡北魏南徐州梁改東徐州陳改安州北周置邳州隋置下邳郡縣屬之唐初以下邳剡良城置邳州尋廢為縣隸泗州元和中屬徐州宋建淮陽軍仍存縣更以宿遷來屬金復邳州屬下邳蘭陵宿遷睢寧四縣元併三縣入州以州屬歸德府後置睢寧宿遷兩縣屬淮安路繼還屬州明初改屬鳳陽府後改屬淮安府領縣二

皇清因之編戶四十二社五關廂

宿遷縣

周春秋鍾吾子國亦宿國所遷地秦下相縣屬郟郡漢併置在猶司吾泗陽凌縣東漢省泗陽司吾為侯國晉屬下邳國南北朝宋省下相置宿豫兩城屬淮陽郡齊屬齊郡省兩城陳屬安州東魏置宿豫郡屬東楚州北周屬泗州隋廢郡存縣屬下邳郡唐置宿遷縣隸泗州寶應中更隸徐州宋隸淮陽軍元初廢尋復屬邳州明仍舊

皇清因之編戶五十九里

睢寧縣

春秋鄆國地附郟戰國宋薛地漢睢陵縣屬臨淮郡東漢因之晉屬蘭陵郡南北朝宋睢寧縣先屬濟陰郡後屬盱眙縣齊屬濟陰郡陳因之

北魏屬彭城郡東魏晉陵屬臨潼郡北齊池南屬濟陰郡北周招義隋廢睢陵立夏丘屬下邳郡唐改承寧屬沂州邳郡宋省入淮陽軍金復置睢陵縣改陵為寧屬邳州元初廢尋復原屬泗州至元中改屬邳州明仍舊

皇清因之編戶四十五社

淮安府疆域圖



淮安府疆域考

本府

府志

東至海二百三十里

西至虹縣墩鋪三百二十里至虹縣二百五十里

南至揚州府三百二十里

北至莒州五百九十里至

京師水路三千一十里陸路一千九百五十里

東南至海二百三十里

東北至海二百一十里

西南至鳳陽府四百四十里

西北至山東兗州府鄆城縣三百里

東西廣五百四十里南北袤五百一十里

山陽縣

山陽附邑也東至海濱界二百三十里又一百里至海

西至清河縣界七里墩三十里又二十里至縣

南至寶應縣八十里

北至安東縣界練湖屯三十里

東南至鹽城縣二百三十里

東北由練湖屯又六十里至安東縣治

西南至盱眙縣一百九十里

西北至沐陽縣一百八十里

東西廣二百六十里南北袤六十里

鹽城縣

府東南二百三十里爲鹽城東至海浦裏港一里

西至射陽湖中流界一百四十里又六十里至寶應縣治

南至興化縣界首鋪六十里又五十里至縣

北至安東縣二百里

東南至海一百里

東北至海二十里

西南至高郵州二百四十里

東西廣一百四十里南北袤一百八十里

清河縣

府西五十里爲清河東至山陽縣

西至桃源縣張家溝界二十五里至天長縣二百一十里

南至山陽縣三角村九十里

北至沐陽縣一百六十里

東南至寶應縣一百三十里

東北至安東縣練湖屯九十里

西南至泗州一百五十里

西北自張家溝至桃源縣六十里

東西廣四十五里南北袤一百八十里

安東縣

府北九十里爲安東東至淮河五十里至廟灣場鹽課司瀕海一百二十里

西至清河縣界桑園莊五十里至桃源縣一百六十里

南瀕淮河一百二十五步至山陽縣姜家莊九十里

北至海州二百八十里

東南至鹽城縣二百里

東北至海一百二十里

西南至清河縣一百五十里

西北至沐陽縣一百六十里

東西廣一百里南北袤一百七十里

桃源縣

府西一百一十里爲桃源東至清河縣張家溝界四十里又二十里至縣

西至宿遷縣衡家莊七十里又五十里至縣

南至泗州梅家道口界七十里又一百二十里至州

北至沐陽縣李家莊八十里又四十里至縣

東南至清河縣沙壚嘴六十里

東北至沐陽縣界一百二十里

西南至泗州安河村八十里

西北至宿遷縣界九十里

東西廣一百一十里南北袤一百五十里

沐陽縣

府西北一百八十里爲沐陽東至安東縣丈八

寺界四十里又一百二十里至縣

西至宿遷縣一百二十里

南至桃源縣赤鯉湖界四十里至清河縣一百

二十里

北至海州寨河界五十里至贛榆縣二百四十

里

東北至海州一百八十里

西南至桃源縣一百二十里

西北至山東兗州府郯城縣一百六十里

東西廣一百一十里南北袤九十里

海州

府北三百七十里爲海州東至東海一十五里

西至山東兗州府郯城縣界馬嶺山一百六十

里又十里至縣

南至安東縣界首河一百五十里又一百三十

里至縣

北至贛榆縣界臨洪鎮四十里又七十里至縣

東南至海二百里

東北至海一百里

西南至沐陽縣一百八十里

西北至山東沂州二百四十里

東西廣一百七十里南北袤一百九十里

贛榆縣

府北四百八十里爲贛榆東至海一十五里

西至山東沂州小福村六十里又一百二十里

至州

南至海州一百一十里

北至莒州日照縣分水嶺界七十里又九十里

至縣

東南至海八十里

東北至海八十里

西南至山東沂州郯城縣一百八十里

西北至莒州一百八十里

東西廣七十五里南北袤一百四十里

邳州

府西北三百三十里爲邳州東至宿遷縣阜河

界六十里又三十里至縣

西至徐州雙溝界八十里又一百里至州

南至睢寧縣木社界三十里又三十里至縣

北至沂州魯防界一百五十里又一百三十里

至州

東南至桃源縣二百四十里

東北至郯城縣一百八十里

西南至靈璧縣一百八十里

西北至嶧縣二百一十里

東西廣一百四十里南北袤一百八十里

宿遷縣

府西二百四十里爲宿遷東至沐陽縣高河社

一百二十里

西至睢寧縣周家莊七十里

南至泗州草堰社五十里又一百九十里至州

北至郯城縣劉馬莊一百二十里至邳州一百

二十里

東南至桃源縣一百二十里

西南至虹縣二百四十里

東北至海州三百里

西北至郯城縣一百八十里

東西廣一百九十里南北袤一百七十里

睢寧縣

府西三百九十里爲睢寧縣東至宿遷縣梅村

橋界四十里又三十里至縣

西至靈璧縣保林界九十里

南至虹縣益道界三十里又六十里至縣

北至邳州泗河南岸界五十里又十里至州

東南至泗州二百里

東北至郯城縣二百里

西南至靈璧縣一百二十里

西北至徐州二百里

東西廣一百二十里南北袤八十里

形勝附

本府 山陽縣附郭

舊志淮蓋江北大都會也二城雄峙輔車相依

跨淮南北沃野千里淮泗環帶於西北湖海設

險於東南左襟吳越右引汝汴水陵交通舟車

輻輳鹽安瀕大海即維揚之藩屏也沐贛枕沂

莒則齊魯之門戶也海州東望無際乃秦皇立

石處高麗百濟日本諸國風帆可達孤嶼絕島

環列後先東西二城足備守禦清口桃源宿遷

睢寧皆近下邳下邳近彭城晉唐以來英雄必

爭之地運道必經設文武重臣開府駐節規模

弘遠淮真南國之襟喉天下之控扼哉

山陽縣 東跨滄海西枕石鰲南襟射陽北倚

河濱雄峙半壁扼吭中原實東南之鎖鑰固西

北之金湯

鹽城縣 東控渤海西帶諸湖北距射陽南蔽

通泰離場相望土地肥饒源泉潤沃島寇避險

居民阜安固海隅之岡陵實淮陰之屏障

清河縣 雄據大河之口曠沿平楚之隈遠控

濠梁近臨淮浦扼邳徐之門戶居南北之要津

自晉唐以來往往駐重兵立屯田乘吳距楚為

控扼之勢況在近代黃河設險三面環抱淮水

千里朝宗為漕運必經之地其為形勢又加勝

矣

安東縣 東濱渤海西帶沐河三漣繞北長淮

襟前為淮陰之負辰齊魯之屏障昔稱邊徼雄

軍今屬水陸要地

桃源縣 坂沓平原河環三岔膏壤廣畝水陸

通衢淮泗東榮邳徐西倚四無夷險一望樂郊

設非河伯之侵陵定比華胥之景狀

沐陽縣 東瀕連海西枕徐邳南襟淮泗北控

齊魯境土衍平墳壤膏沃元季宿兵四郊營壘

洪永設備八方軍屯青州舊疆沂邳劇路信淮

揚之保障古川武之奧區

海州 東濱渤海西縮徐邳北控齊魯南通江

淮滄海渺瀰茫無涯際高麗日本諸國遇東風

揚帆可至高嶼絕島環列後先但無關隘可守

明朝東西二城設有兩所官軍世司守禦

贛榆縣 負山傍海扼險延岡東瀕大洋北縮

青郡西枕沂邳南引漣水固門戶於東省實鎖

鑰於全淮

邳州 東聯淮海西接彭城南臨黃河北接壤

邳新城環其東大陵橫於背引領羣峯交匯濶

流南北之衝襟江淮之保障

宿遷縣 北倚馬陵西瞰泗水東鄰榆沐南引

清口山橫繡障河透瑤環蓋淮楚之上流邳沂

之左翼也

睢寧縣 平原周坦德水元纏枕鳳凰仙掌諸

峯挹龍泉白塘諸浸拱揖明陵經略運道淮東

上游淮西夾輔

淮安府星野考

府屬總

禹貢淮海惟揚州

周禮斗牛女揚州

史記天官書吳楚之疆侯在熒惑占為鳥衡

晉書天文志斗十二度至須女七度為星紀於

辰在丑吳越之分野屬揚州

地理志吳地斗分越地女分

唐書天文志南斗在雲漢下流殷

當淮海間為吳分野

唐僧一行所分星次分野南斗牽牛星紀之次

丑初起斗九度中斗二十度終女四度其分野

自廬江九江負淮水之南盡臨淮廣陵至於東

海又逾南河得漢丹陽會稽豫章西濱彭蠡南

涉越州盡蒼梧南海古吳越及東南百粵之國

皆星紀分

舊志臨淮入牛四度邳海入奎一度屬徐州大

抵淮表東抵大海西接鳳陽南通高寶北距兗

青跨有徐揚之域邳宿州縣接徐州分奎二度

去極十四度接御女星睢源二縣近虹界分心

六度又遠近西垣列肆星沐贛二縣近莒州分

女二度東海海州分女五度自海州之南安東

清河分斗初度去極十六度接女史星大淮橫

縱占斗五度去極十八度接天柱星山陽接泗

州在斗七度之交去極二十度近筐扶星淮東

入海鹽城乃牛女初度之分去極又遠近天桴

星至江淮之南為牛斗天淵九坎之次淮泗之

北爲心星太子帝位又在淮之南北焉

清河縣志清河在淮之北據郡舊志于分野屬

徐周禮及漢天文志奎婁胃徐州晉天文志自

奎五度至胃六度爲降婁之次于辰在戌魯之

分野文獻通考註東海入奎一度按此則清河

在降婁之次而分野屬之矣乃邑治四鄉南過

泗水一百二十里接盱眙抵山陽則亦兼有揚

州之分星焉周禮斗牛女揚州漢天文志斗江

湖牽牛婺女揚州晉天文志斗十二度至須女

七度爲星紀於辰在丑吳越之分野也清其以

百里而並繫之與又稱郡志載韓氏考清河安

東分斗初度去極十六度接女史星若然則清

河分屬揚不應略而止屬徐矣蓋大淮橫縱占

斗五度去極十八度接天柱星云

安東縣志安東海沐在淮之北屬徐州考晉天

文志自奎五度至胃六度爲降婁于辰在戌魯

之分野屬徐州文獻通考東海入奎一度瑯琊

入奎六度安東在秦爲東海郡東接海州入奎

一度晉志淮揚入心一度魯國入心三度又文

獻通考東海海州分女五度自海州之南安東

清河分斗初度去極十六度接女史星古今天

文家互有異同特兼採而備考焉

桃源縣志桃隸淮安淮屬揚州之域天文斗女

分野按禹貢海岱及淮惟徐州桃源在淮北邑

介徐泗于古屬徐之分野據周禮保障氏及司

馬遷天官志奎婁胃徐州晉天文志自奎五度

至胃六度爲降婁辰在戌魯之分屬徐州唐書

天文志曰婁爲大澤在陬訾下流當鉅野之東至于淮泗婁胃之墟按此則桃之分野當在降婁之次

邳州志禹貢徐州之域在星分降婁之次夫降婁爲戌之辰而主星爲婁其次則自壁至奎五

度由婁至胃六度皆降婁也徐固屬三星分野按邳屬淮安淮之他邑皆屬揚州惟清河邳州

屬徐揚之界邳視清河尤近徐東似亦在降婁之次矣又據文獻通考註東海入奎度屬徐邳

距海三百餘里又似專在奎五度之降婁矣由是而語吉凶十二辰之次皆附天左旋常度不

移不顯吉凶惟七政行乎十二辰之次緯天右轉一躔其次尚有薄蝕朏朧羸縮留守之異象

則人事變于下矣驗人事者固于天星之躔以徵之然則處斯土者宜何如慎審也

宿遷縣志地里志云魯地奎婁之分野東至東海南有泗水至淮得臨淮郡之下相睢僅取慮

皆魯分也宿遷在古屬徐州在漢屬臨淮歷代雖屬東楚州泗州河東河南皆在徐州幅輳中

則其爲奎婁之分野明矣且以星野考之晉天文志十二次班固取三統曆十二次配十二野

其言最詳如云自奎五度至胃六度爲降婁于辰在戌魯之分野屬徐州費直起奎二度蔡邕

起奎八度諸志及諸家所說微有不同惟陳卓范蠡譙周京房張衡所云躔次有所折衷徐州

之下列云東海入奎一度據此推之可知略已睢寧縣志禹貢淮海維揚州海岱及淮維徐州

今淮郡跨揚徐二州之域而睢邑隸之考自山陽鹽城屬揚清河至邳州屬徐揚之介睢寧在河以南淮以北則專係于徐爲魯之野如文獻通考註臨淮入牛四度東海入奎一度屬徐州周禮及漢天文志奎婁胃屬徐州晉天文志自奎五度至胃六度爲降婁屬徐州徐之辰在戌名闕茂律中夾鐘斗在卯北連太室西達陽城天之異維也夫河漢自坤抵艮曰地紀北斗自乾抵巽曰天綱徐魯分野與帝車相直在微宮爲五帝之墟在東海爲岱宗所轄歲星位焉其行木其德仁躔次奎婁胃主所分之野兵革不入犯之者先受其殃則睢麗徐魯不特禮義文學之鄉且爲中原形勝之區矣

欽定古今圖書集成方輿彙編職方典

第七百四十二卷目錄

淮安府部彙考二

淮安府山川考一

職方典第七百四十二卷

淮安府部彙考二

淮安府山川考一

本府 山陽縣附郭

府縣志合載

鉢池山 在府西北一十五里岡阜盤旋八九

里形如鉢孟相傳王子喬煉丹於此山土色俱

赤不生草木舊傳丹井中水日變三色今淤

金牛岡 在府西北十里山勢如牛世傳周世

宗伐南唐會宿兵於此

護城岡 在府東南城外數十步

薄甸岡 在府東十二里

淮河 四瀆之一出於南陽平氏縣桐柏山其

源初湧復潛流三十里然後長驚東北經大復

山從義陽郡東北過平輿又東新息南期思南

合汝水東下壽春潁水至荆山合渦水又東北

合濠水東下北轉淮陰合泗水東至廣陵郡而

入海禹貢導淮自桐柏東會於泗沂入於海云

黃河 黃河源遠變多不煩具論其中原入海

故道今湮而淮安舊蹟自山東河南諸水匯於

淮泗今合黃河併入於淮矣黃河自汴城至徐

州經邳宿桃源三義鎮入口由毛家溝抵清河

縣後謂之大河口會淮流過漁溝達安東下雲

梯關入海謂之老黃河明嘉靖初三義口塞南

從清河縣前亦與淮合謂之小清口經清江浦

至草灣轉西南過淮安新城北達安東萬曆四

年開草灣河成分爲兩道各四十餘里復合過

安東總下雲梯入海十六年勘河常給事欲復

老黃河故道知府張允濟力持不可開乃止

草灣河 先年海口橫沙黃淮下流勢緩嘗苦

淺涸水發有逼城之患明萬曆四年兵備副使

舒應龍開此河直達安東於是郡城水患稍減

運河 古山陽瀆也隋開皇六年鑿然吳王城

邗溝出于末口卽新城北辰坊之北閘也三國

時以無運而塞隋因平陳而廣之五代亦以不

運而湮周以平吳而濬之元以兵阻而廢明初

以漕運而復之時已築新城則又倣宋轉運使

喬維嶽之制自郡城西北逶迤轉於西南建閘

通清河口皆平江伯陳瑄之力也

末濟故沙河 卽烏沙河在治西北一帶三十

里古運自淮城入淮山陽六十里風濤之險宋

轉運使喬維嶽開此直達清口後蔣之奇又開

濬洪澤歲久俱淤明水樂初平江伯陳因舊渠

開通置閘蓄洩更各清江浦復置常盈倉於旁

積糧以備轉兌爲公私便共置五閘以備蓄洩

末濟河 在府西南自楊家廟上達清河口明

萬曆九年總漕尚書凌雲翼開挑通漕避清江

浦黃河嚙堤之虞及清江築堤運艘仍舊由城

西故沙河以出清口而此河資以灌溉民田

市河 上流自舊城西門外有小水開放水入

城水關東流至八字橋一支經縣前入白虎橋

濬注城隍廟東又自白虎橋南注于府學左躍

龍池學前泮池一支由府西大聖橋高公橋章

馬橋復轉東南通小教場合異水自章馬橋出

北水關由聯城中新城南折東入澗河下海內

外通舟洩三城水一郡風氣血脈所關

新河 在縣磨盤口宋乾道中開

涇河 在府南五十里西通運河河口有閘水

漲則啓洩入射陽河明嘉隆間濬修萬曆丁巳

南河郎中李之藻重修

汧河 在府西南

澗河 在府東南上洩三城瀦水下通濱海舟

楫歲久湮淤黃流一泛沙漫平陸後環城築堤

長數十里黃流不復入而三城內澇水不可洩

乃濬澗河長三十里東通射陽建閘河濬備蓄

泄及委人守之歲各餽金二鍰歲取府榷金二

百兩爲繕修之費先後蒞土者加意深濬各有

碑記在乃食貨大通之區也河兩旁溝洞灌田

歲久積淤天啓四年知府宋祖舜挑深利民

故城河 又名壽河在府東南五十里東入射

陽湖上接黃浦澗河按故城河是澗河之支河

自射陽湖淤塞直至車家橋水遂下趨於故城

河而澗河水道不濟則東南三十餘里民田呼

癸不應河原有壩爲界壩存則澗河之田灌溉有餘壩去則故城河之民田收成亦不足是壩之去留關二河民田之利害甲子秋月

皇上東巡議開海口以甦民瘼二十四年按察于成

龍踏勘海口一帶經此議開射陽湖並澗河澗

河濬不但民田便利淮城積水亦得消退矣

羅柳河 城外滿浦等坊自王公堤成各坊瀦

水不能洩民居作苦知府邵元哲買湖嘴更樓

外廬宅一段穿渠引入護城河使下澗河今三

茅祠空心街是也凡山字諸湖積潦悉由此出

而歲濬工力責山字諸湖百姓趨事立碑行久

後因黃淮河漫諸湖大浸三城處建瓴之勢因

築壩以拒之曰三城壩湖水不行者三十年明

天啓四年於壩中作涵水洞卽所稱伏龍洞隨

時啓閉立碑定約往例仍存必三城及滿浦各

坊無虞然後爲拯鄰之計

射陽湖 在府東南七十里東通寶應山陽鹽

城三縣分湖爲界其闊約三十里周迴三百里

漢廣陵王胥有罪奪其射陂卽此劉經樊舟皆

封射陽侯明嘉隆間黃淮交漲潰高寶隄防井

注于湖日見淺淤因盈溢浸諸州縣萬曆九年

總漕凌雲翼請帑金三千委鹽城知縣楊瑞雲

督開由廟灣新豐市入海其害乃止

管家湖 在望雲門外按嘉定山陽志隔舊仁

濟橋爲南北二湖宋嘉定間安撫應純之申本

州形勢云東南皆坦平之地難於設險西北二

隅有地不廣而淮河限之惟向西一帶湖蕩相

連回環甚廣而泄水處止有數里作一斗門爲減水之所則一望瀾漫而敵人不可向設使水爲盜決而泥淖深遠斷不能渡平居無事儘可

教習舟師緩急之法又不可擺泊船隻此築既

舉則城西一面必不可攻庶乎一意經理東南

北三面爲戰守之計續申水內築岸工役難施

不能經久合別開新河與運河接取土壤壘扞

岸則舊運河與湖通連水面深闊形勢益便遂

開一河於湖岸北築壘湖岸底闊四丈高一丈

以限湖水又自馬家灣西至陳文莊就湖築灘

岸二百七十餘丈自管家湖老鶴河相接岸處

平地開深方圍二十丈置斗門水閘自此西湖

之浸灌楚城西北隱然有難犯之勢歲久崩淤

明永樂初平江伯於湖東北畔界水築堤砌石

自西門抵板閘以便漕運名爲新路又謂西湖

俗云南湖西湖卽仁濟橋之北湖也

白馬湖 在治西南

白水塘 在治南九十五里劉宋元嘉末決水

灌魏軍卽此陂按山陽境中陂可考者三射陽

湖曰射陂在州之東南曰茶陂在州之西南魏

太武自瓜步趨盱眙則茶陂射陽非其所經故

知白水塘爲是陂闊三十里鄧艾所築於此屯

田積穀以制吳本與盱眙蘆浦山破斧塘相通

溉田一萬二千頃隋大業末破斧塘壞水北入

淮北塘亦涸南唐保大中興屯田楚州刺史請

修塘便李得名又請大闢曠土爲屯或奪民田

爲官屯民大怨後因巡行使矯命罷役

洪澤 在府西南九十里舊開宋魏勝運糧至此出閘入淮今設巡檢屬清河

蓼澗 在府西南六十五里東連天井蕩西入

青洲澗

高良澗 在府西南九十里由清河澗沙埠橋

入淮明萬曆二十四年總漕都御史褚鐵議澗

口折堰爲滾水石壩尋改爲閘洩淮東注寶應

諸湖

青洲澗 在府西南七十里東由雙溝入白馬

湖西入高良澗

撇澗 在淮陰舊縣西南九十里

高加堰 堰以捍淮名曰高加者爲護運糧水

道宜加高而名之也去治西四十里三國時廣

陵太守陳登所築堰長三十里中地庫而土高

北自韓信城五里至清墩二十里至武家墩又

南至管家莊堰西爲阜陵湖湖西爲淮每淮溢

入湖賴此堰以障之不則徑衝黃浦口趨射陽

湖而運道梗矣淮不會河則河力不能決沙入

海久且城邑虞于瀦蕩先年堰圯山陽羅惠明

隆慶六年知府陳文燭請修築萬曆十四年總

河楊一魁重修按此堤近逼泗州淮揚兩府居

其下流所關至重及費國帑什千萬功始竣五

十年來樹木半爲堤夫之薪鐵錠改農夫之器

底椿露朽土石傾欹

皇清康熙二十二年總河大加修治民田有收下流

不恐矣

郭家池 在城西北隅老君殿之前龍興寺之

後由水門通城河

萬柳池 在城西南隅由水西門通于官河即蓮花池計二十餘畝瀕天妃宮

三洲 在山陽灣對岸有上洲中洲下洲詩淮有三洲

馬邏港 在府東北九十里通淮鹽運今黃淮合流經此乃成大河

蘆浦港 在府東北一百二十里東南入射陽湖西入淮

建義港 在府東北八十里東南流通濟溝入射陽湖北入於淮

洋信港 在府西南隆慶間前有小河一道從官路以達於泗百餘里資灌溉郵驛夫馬所省甚多且洩西湖諸澇水自督撫凌雲翼挑永濟河湖水中隔港遂湮淤今議復之

棠梨涇 在淮陰廢縣東九十五里唐長慶初開

楊家溝 在城北五里

通濟溝 在府東北六十里東經馬邏港入射陽湖西自橫溝入淮

邗溝 自寶應縣北流入淮左傳哀公九年吳城邗溝通江淮將伐齊故也杜預註云於邗江築城穿溝東北通射陽湖西北至山陽末口入淮運糧之水路也

雙溝 在府南七十里潦則溢旱則涸

古溝 近月城南二十里周家橋往盱眙路

清江浦 在府西北三十里原南北商貨皆從

城西車盤而過自故沙河以上開運後凡貨船悉由清江過壩裏之運河外之黃淮河千舳叢聚僧埠羶集兩岸沿堤居民數萬戶為水陸之康莊冠蓋之孔道闡閩之沃區云

草灣 在郡新城東北二十里離清江浦東南十三里離安東縣六十里人烟湊集柴艘聚屯鹽船從此過壩後黃河衝決沙淤成灘與草灣遠去半里餘淤灘高廣遷住者百餘戶人烟開集遂名此地為新草灣前者為舊草灣

黃浦 在府南六十里東南至故晉口入射陽湖西達三角村入雙溝

蛻龍潭 明萬曆七年都御史潘季馴督治河漕先淮北功成始有事于淮南築堤捍河湖之衝而高加堰下流黃浦為最兩壩成而黃浦之根見一夕雷雨摧拉若崩忽穴深丈餘廣二十八丈中有首骨一具若馬狀舐之黏舌復得齒角脛骨等件不日而堤告成

護城石堤 運河先受黃淮交灌河身日高增堤幾埒城埤值秋漲官民驚惶阻漕運淪田廬山鹽高寶並罹災傷明天啓三年知府宋祖舜乘冬月先疏新正二河深通漕運加築城西岸堤北自西湖嘴南抵包家園計一千五百三十餘丈工作鞏固城市可安堵無虞

甘泉井 今名龍窩在豐登橋側水與淮潮相長上建大聖廟鎮之大聖者唐時僧伽顯靈泗州後人禮之今冒大禹之號也此井相傳明景泰間有鴨墜井半月餘復出剖腸嚔其中黃沙

以為通淮河也

公路浦 即淮口清江浦也寰宇記袁術向九江將奔袁譚出斯浦

馮家蕩 在府城東北新城東南周圍三里新城南門外堤路瀕池西折孔道

鹽城縣 沙岡 在境內本縣無山惟有沙岡一帶南抵岡門鎮北距海沿迤迤起伏五六十里

鐵柱岡 在縣北二里海岸上秦皇繫馬柱也蛟龍畏鐵作此鎮之

大海 在縣東自海浦東北出海洋五十里古漕運自此出洋達直沽

小海 在縣西兩灘蒲葦中流行舟源出通泰夏泛冬落西北入東塘河達射陽入海

射陽湖 在縣西一百四十里西南接寶應西北抵山陽中流為界繁邇可三百里

大蹤湖 在縣西南一百里南北徑三十里東南廣十五里源自魚鯨湖由馬良汀達射陽與興化分湖為界

馬鞍湖 在縣西三十里西一都北入侍其汊以達射陽湖

官河 在馬鞍湖西南去縣四十里源自大蹤湖南來北入鹽河東入東塘河通射陽湖

鹽河 在縣西五十里其支流出大蹤湖入官河東塘河達安樂港經侍其汊入射陽湖

西塘河 在縣西九十里源自大蹤湖北流經官鹽二河

東塘河 在縣西五十里其源出魚蹤湖通官鹽二河流注此河至射陽湖達海

蘆溝河 在縣西北六十里自東西二塘流入貫高燒張岐二塘北經侍其汊入射陽湖

西界河 在縣西南六十里自舊運河達石礎口與興化分中爲界西北入大蹤射陽

東界河 在縣西南六十里自通泰入定港流爲河興化縣分中爲界西由東塘河入大湖

新運河 在縣東南四十里水自通泰北流經五祐場西北下舊運河注東塘河入射陽

舊運河 在縣西南七十里其水自得勝河北流入運河經汊河至新興場甚便鹽運西注東塘河入射陽達于海

封子河 在縣西一十八里岡門鎮西其水自大蹤湖流入官河東北流入新舊二鹽河湮塞百餘年明景泰五年疏以便舟楫

汊河 在縣北門外三里自通泰北通鹽河經五祐場由登瀛橋下達東塘河入射陽湖

市河 在縣城內久湮明景泰年知府丘陵知縣劉諒疏通行舟

新楊河 在縣西一百一十里自大蹤湖合流爲浦達射陽

岡溝河 在縣西二十餘里東南在鹽河入海

新河 在縣南五十里

九曲河 在縣西五十里旁有龍墩水自馬鞍河西北東塘入海

建港 在縣西北七十里自大蹤湖北經馬長

汀入新楊浦過射陽入海

馬家港 在縣西五里自舊運河北流入轉東過運河達侍其汊經射陽入海

南浦 在縣南環數里其源出小海注此浦接運鹽河東注廣惠礎入海今漸淤塞

清溝 在縣西一百四十里有渡

走馬溝 在縣西一百二十里

張岐塘 在縣西北八十里廣三千丈袤三十里其東又名高燒塘

射陽溪 在縣西一百里

范公堤 卽捍海堤按安東志名古淮堤在鹽城二里自東北直抵通泰海門唐大曆中黜陟使李承爲淮南節度判官請自楚州鹽城南抵海陵修築捍海堤綿亙兩州潮汐不得侵淫宋天聖中張綸專圖修復時范仲淹監西溪鹽倉悉力贊之謂當移堤勢而西稍避其衝仍疊石以固其外紆斜迤邐如坡形不與水爭天聖五年功成因名范公堤長一百四十三里有奇脚闊三丈面一丈高一丈五尺元魯士龍爲興化縣宰請發九郡人夫併築十六月成延亙三百餘里興工時掘石一方上刻四大字曰逢詹再修又刻景祐二年八月仲淹記九字士龍決志修之卒底成功明萬曆十年總漕都御史凌雲翼題准修築建洩水涵洞水渠一十七處石閘一座洩捍兩得十五年巡撫楊一魁以舊閘洩水不及山鹽六邑田沉水底挑濬廟灣射陽湖等處河道水有所洩范堤乃固

壕河 在縣治城外

定港 在縣治東南四十里

馬長汀 在縣境

高燒塘 在縣治西北八十里

蘆子蕩 在縣治西南二十餘里

官蕩 在縣西南九十里

十頃蕩 在縣治西北五十里

牛耳蕩 在縣治西北六十里

鴨蕩 在縣治西南六十里

雁兒蕩 在縣治西南三十里

鶴絲蕩 在縣治西南七十里

倉基蕩 在縣治

羅漢蕩 在縣治南

養魚蕩 在縣治西北八十里

蕭家蕩 在縣治西北七十里

白蕩 在縣治

吳家蕩 在縣治

使喚蕩 在縣北

觀音蕩 在縣治西北三十餘里

縮頭蕩 在縣治西南九十里

馬家蕩 在縣治西北一百一十里

火盆蕩 在縣治西一百餘里

孫鍾井 在縣治東北三百五十武深三丈闊一丈雖大旱不竭

龍虎井 在儒學明倫堂前東名龍吟井西名虎嘯井

清河縣

老祖山 在縣東南一百里懷仁鄉山勢自嵩高山延袤至此又名老子山傳聞老子煉丹頂有紅石境接盱眙諸山瀕富陵湖

泰山墩 在縣東去馬頭鎮二里許即漂母塚後人因墩下有東嶽祠又名爲泰山墩今陂澤中突兀一丘遠望如浮翠然郡治稱此山爲盱泗來龍至此開局鎖兩河之口爲郡城龍脉關係水或不致濫溢者賴有斯云

霍山 在老子山南形勢起伏一峰峯然跨盱眙清河之間上有東嶽古廟爲清河南界

仙人洞 在老子山西洞深二丈許下臨淮水四壁如削宛然石室

三台墩 墩爲一邑之鎮治坐中墩左右二墩爲輔弼左形長右形圓術家有龍蟠虎踞之論

鳳凰墩 在老子山東嶽祠北

鹽鹿墩 在老子山

白鶴墩 在治西北八十里相傳有二仙至此騎鶴飛去

大清河口 小清河口 二河即泗水之末流源出泰安州經徐邳治縣西北三汊口分爲二大清河在治東北八里入治西北老黃河口

遼縣北漁溝鎮一帶出治東北大河口達淮今淤淺小清河在治前百五十步去東入淮明弘治初黃河從徐邳入本河水遂濁萬曆二十三年總漕尚書褚鐵大加挑濬今始疏通

三角湖 在縣西北八里四圍高阜積雨水泛則開注於大清河

費家湖 在縣西南四里

夏家湖 在縣西北十二里周圍三里積潦則泛溢旱則涸

北洋湖 在縣東南九十里通於淮

張家湖 在縣北三十里周圍五里通泗河

萬家湖 在縣東南一十五里西入清河

四鋪湖 在縣東北三十里周圍十五里入淮

五昌湖 在縣東北二十里入湯家澗

刀秋湖 在縣東南十里

南湖 即富陵洪澤之水與淮河匯合者地連三郡廣袤九十里漁船所集魚鹽商販趨之土客之籍互有厚利近日堰高水深漁船散去

富陵湖 舊有溝通淮宋時富陵戰北之地今清河之南明隆慶以來淮漲已連洪澤大淮穿其中採魚船百餘歲徵料以備魚油翎鰓之稅

正德年知府薛鑒招徠逃亡改於里甲辦納聽民自採弛徵不多而利溥按縣志在洪澤鎮西其源出盱眙塘山山下岡阜重疊豁澗縈紆凡四十里水自高而下至劉家渡入於淮

中河 自宿遷駱馬湖引清水歷桃源清河治北達安東入海長八千五百八十五丈康熙二十六年開以行漕避黃河之險

引河 自河南帥家莊逶北開小河一道引淮河之水注河以絕黃水內灌者長五百丈

楊家澗河 在縣北四十里通淮按元脫脫征張士誠於高郵餉饋不繼太常禮儀院都事湯遵領貨接濟大軍粟數十萬斛因開此河達於

淮以餉之至今屢經河決湮廢遺跡尚存

黃河 四瀆之一原經天津衛北入海後南瀆留城趙徐邳亂沭沂直下從三汊河東南小清河合於淮以趨海

淮河 四瀆之一自盱眙龜山東北流經治東南三里溝故平江伯所鑿道分入通濟閘以接漕運其委乃經甘羅城以北合黃河入海

運河 元時故道由郡東入淮至清口亦稱險要故平江伯改自郡西經清江浦入本縣七里溝東界迤南出三里溝達於淮以溯河

新河 在縣西北四十五里自黃家嘴經魚溝娘子莊末興集以東北達於安東入海明萬曆二十三年爲分黃而開今久淤廢

末濟河 在縣東南運河之旁自密灣楊家澗歷武家墩至新莊舊開接運河四十六里明萬曆九年開以備清浦之險者今久廢

沐河 此沐水之支流南尾本縣北境入爬泥蕩東通漣河者今淤

崇河 其源西接宿遷經本邑崇河集南會沐河東通漣河者今淤

營河 在縣東北十里胡賢口北其左右皆軍營田故名康熙十年河決七里溝三汊下流沙澱漕艘回空者由新河入營河南經半邊店出西營湖入於淮即此

線河 一名洩河自地藏庵後至金家湖舊有小河一道以洩治內之水又自金家湖迤東北達蔣家湖至浪石之東入呂家蕩出九衝口由

達蔣家湖至浪石之東入呂家蕩出九衝口由

搭連溝下大防河達安東新安鎮入海疏通四

境之水河決以後故道既湮新河南岸之田每

爲水潦所浸漫至於無地可耕法必相勢疏通

以復水道而後隰衍之地無棄土也

官亭蕩 在鎮南匯桃沐之水廣袤百里饒魚

蒲菱芡之利自河決七里溝深谷爲陵沙水互

變非復嘗匯矣

卞家溝 在縣南五里通于淮今匯爲湖

拖登溝 在縣西八里

雙溝 在縣西南二十里出泗州迤家灣入淮

新溝 在縣西北十五里

搭連溝 在娘子莊鎮南

車溝 在縣北九十里

吳城廟前溝 在縣西十八里

馬廠溝 在縣南三里

泗溝 在縣東十八里或作泗口

申家溝 在縣東南十五里

朱家溝 在縣南六里今匯爲湖

唐利溝 在縣北十里入清河

七里溝 在縣東南十里舊爲運口今匯爲湖

石人溝 在縣西八里入河因舊有石人故名

三里溝 在縣東南三里今新改淮口通運

窯溝 在縣西二里入河

安東縣 雞鵝山 在縣北三十里土阜如曲膝經四百

三十七步高二丈三尺餘

鳳凰墩 在縣北一十五里中漣河西昔有鳳

凰棲此

虎兒墩 在縣東一十五里中漣河北

火墩 在縣北二十里石墟莊東

畢家墩 在縣北一十里中漣河東岸高二丈

五尺上有烽埃

神墩 在縣東北十里流尸溝東

四角墩 在縣東北四十里谷野莊東

花子墩 在縣東五里今淮水衝廢爲河

喬家墩 在縣西北二十里

神墩 在縣東北五十里小飛莊東

竹墩 在縣東北四十里

石灰墩 在縣北七十里

八家墩 在縣東南四十五里官河西

三岔墩 在縣西北四十里王家溝東

分離墩 在縣北十里

黃河 自汴城至徐州經邳宿桃源三義鎮入

口由毛家灣抵清河縣謂之大清口會淮流過

魚溝達安東下雲梯關入海謂之老黃河明嘉

靖初年三義口塞南從清河縣前亦與淮合謂

之小青口經清江浦至草灣轉西南北達安東

萬曆四年開草灣河成分爲兩道各四十餘里

復合過安東總下雲梯關入海

淮河 淮水出於南陽平氏縣迤邐而來合泗

水出小清口合黃河由草灣達安東經雲梯東

北入於海 中漣河 東漣河 西漣河 中漣在治

北三里河闊八十餘丈北通官河南通市河下

流三里爲東漣闊二十餘丈上流三十里爲西

漣闊如東漣源自西北大湖來東南入淮

市河 在縣東百步餘即大東二城相間之城

壕也自中漣入澳河

澳河 在縣東南百步許又名龍潭相傳白鱖

化龍處南臨大淮以瀦水利

東澳河 在縣東一里通北市河瀦水

官河 在縣北三十里源自西漣來南通中漣

東流散入於遏蠻等河入淮北通海州諸鹽場

舟楫之便明萬曆四十五年淮安分司運判韓

子葵勸諭鹽商捐萬餘金極力挑濬深闊行舟

大汊河 小汊河 大汊去治西北五十里

又三十里至小汊北自沐陽桑墟湖流入漣河

古寨河 在縣西北七十里西接西漣東南通

大汊河

大防河 在縣西二十里西接清河潤東入支

家河

支家河 在縣西十五里北自成子河流南通

山陽新溝及孫村浦入淮

成子河 在縣西北十五里自古寨河流入

響水河 在縣西一里舊有迎仙橋湮塞明洪

武三年重挑接支家河引沐水大湖中漣南流

入淮水

蔡家河 在縣東十里南接東漣北通黃沙蕩

橋莊河 在縣東二十里南接東漣北通大飛

涿口河 在縣東三十里西接橋莊 十字河 在縣東三十里南接東漣北通大飛

五丈河 在縣北三十里

夏口河 在縣東北三十五里

朱家莊河 在縣東北四十五里

港河 在縣北三十里北大湖南官河

白頭河 在縣北一百里西湖南官河

一帆河 在縣東北五十里南接東漣北通海

州伊盧山

平望河 在縣東北八十里

過蠻河 在縣東北一百里

白陽河 在縣東北一百里

砦河 在縣東北九十五里

七里河 在縣東北一百一十里

團墟河 在縣東北一百二十里

鹽蕩河 在縣東北一百五十里以上七河一

帶相連俱西接官河東入一帆河合衆流以歸

海

張網海口河 在縣東北一百二十里南接淮

北入海即淮之義港也

五港口 在縣東北七十里當團墟河七里河

過蠻河官河五水會處

碩項河 在縣西北一百二十里一名大湖西

通沐陽桑墟湖東南各有小湖達於淮表四十

里廣八十里海州沐陽安東各得三分之一世

傳秦時童謠云城門有血當陷沒有老姥憂懼

每旦往窺門者問知乃以血塗門姥見之即走

須臾大水城果陷燒至伊萊山得免今山上有

神母廟高齊時湖嘗涸西南隅城址見繞城多

古井乃知爲實事

飛湖 在縣東北六十里西官河東大飛湖環

四里今淤爲田止存一河通舟

孫村浦 在縣西南十二里自支家河入浦

劉村浦 在縣東三十里自東漣河入

臧家浦 在縣東四十五里自東漣河入

界溝浦 在縣東四十五里自臧家浦入

逢村浦 在縣東北六十里西接一帆河

鰲溝浦 在縣東北七十里自一帆河入

大飛浦 在縣東北八十五里接飛湖

鄆溝浦 在縣東北一百里自十家溝流入

天鵝蕩 在縣北四十七里

團墟龍蕩 在縣東北一百里即張氏牧牛處

傅湖龍蕩 在縣西北八十里曾有潞龍止此

龍潭 即澳河

琉璃井 在縣北三十里金城

丹井 在縣丞宅相傳袁真君遺井

應聘泉 在縣東北一里許明洪武陳御史鑿

傅湖 在縣東北六十里西大湖東官河表十

里廣六里

丁湖 在縣西北五十里今湮

桃源縣

女功山 順治十六年奶奶廟移於縣之東南

邑中婦女以衣兜土爲山不日成之高十數丈

狀元墩 在縣東南半里桃花盛開時遊人眺

望一邑佳景

于家岡 在縣西四十里

九里岡 在縣西北四十里

青墩 在縣北四十五里

麒麟墩 在縣西四十五里

釣魚墩 在縣北十五里

岐路墩 在縣西四十里

繫馬墩 在縣西三十里

蓮花墩 在縣西三十五里舊在水中央歷年

水衝沙漫而形狀不沒如蓮朶然

關牛墩 在縣西八里

思鄉壟 在縣北八里岡埠隆起廣數十里

泗河 在治北三百步即徐邵泗河下流

崇河 在縣北四十里其源西接宿遷劉老澗

東入安東漣河昔石崇所鑿今趙家堰石柱尚

存

黃壩新河 明萬曆二十四年分黃導淮開挑

自三義鎮上起由毛家溝等處達灌口下海

靈城湖 在縣西北三十五里無源水泛溢於

河

杜村湖 在縣東南三十里

倉基湖 在縣南七里積水四時不涸水溢通

新河曲折東流五里會丁家溝達河入淮

大莊湖 在縣東南三十五里積水不涸通于

家溝入河

黃河 在縣北百十餘步原自山東由淮入海

徐邵泗河之下流

白洋河 在縣西六十里上通汴河下達黃河

鎮東屬桃源鎮西屬宿遷

程子河 在縣南七十里接泗州地界與馬牙湖一脈隨在異名

赤鯉湖 在縣北七十里通漣水入於河八景云鯉湖夜月

倉基湖 在縣西北四十五里

大莊湖 在縣東南二十里

邵家湖 在縣西南七里

靈城湖 在縣北十五里相傳楚靈王幸此

西湖 在縣西五里

白馬湖 在縣東北三十里

谷莊湖 在縣西南四十里

馬牙湖 在縣西五十里

佃湖 在縣西南六十里傳云石崇開以灌田

水晶湖 在縣東北四十里

柴林湖 在縣西二十里

龍溝 在縣北二十里

張泗冲 在縣東北三十里

伍家溝 在縣西北二十里

拖犁溝 在縣西北五十里傳云石崇拖犁者

長湖 在縣西十五里

銅盆蕩 在縣東北七十里

蔣溝 在縣西十五里

五里溝 在縣南五里

三里溝 在縣西六十里濬溝者常得兵器明

正德時水冲出石砲如斗大相傳靖難兵起小

河口大戰此鎮乃下營處云

湯家溝 在縣北七十里湯福新所鑿南通淮

河北距沐陽東達漣水今壅塞

黃家嘴 在縣東十五里

沙港嘴 在縣東南四十里

路家嘴 在縣北十五里

尤家嘴 在縣南四十里

眞君井 在縣南二百餘步大旱不涸水泉甘

冽相傳劉眞君所鑿

沐陽縣

萬山 在縣東北五十里萬山先生讀書處

建陵山 一名張倉山去縣西北一百里其脈

自馬陵山來東西狹南北長接連海州山東上

多陵埠其北隅十五里爲由吾洞

神山 在建陵山之南去治西七十里

塔山 在縣西北一百里界宿遷縣

荻丘山 在縣西八十里

宋山 在荻丘山南五里去治西八十里

曹蕩山 在縣南五十里

韓山 在縣東北六十里昔韓信追項羽至此

故名山南有楚王廟

孤山 在縣東北七十里脈自海州大義山來

南岡 在縣西南十里

棗子埠 在縣南二十里

扎扎埠 在縣西北三十五里

石灰埠 在縣北四十里

沐河 源自青山瑯琊東莞由馬脊嶠諸山合

流而下經縣入大湖分派入海職方氏謂其浸

沂沐是也蓋浸爲水受歸之處沐故青之浸也

縣在沐之北水北曰陽故名沐陽縣

後河 自張家溝分流而北至王家莊鎮二里

許爲陳卯河又北爲北下河又東爲漢坊河又

東北入于海爲邑之主河

前河 卽馬坊河自張家溝分流東下由城南

折入東南會老鸛汀大湖冬春則涸每於張家

溝築堰使支流不下後河則前河之水可通舟

楫官民便之以上係沐水正流

新挑河 自太平橋分流廟頭鎮行至儀鳳蕩

通漢坊河下桑墟湖入海

蔡家莊河 自漢坊河分流下桑墟湖通海州

以上分沐水之上流

上寺鎮河 自縣河分流而東通下埠橋入大

湖冬春則涸

十字河 自南河分流東入大湖今塞

蒲溝河 自南河分流東入大湖今泥塞僅存

溝形以上分沐水之下流

橫溝河 在縣東北原以洩水流廟一帶下窪

之水通下埠橋明嘉靖年間知縣張士奇嘗一

治之一方稱利今復淤塞

張家溝 卽沐河分處去治西五里

梁子溝 分流下山家蕩去治西十五里

虞姬溝 在縣西黃家集三十五里上有虞姬

廟西七里許有虞家宅

生流溝 在縣南七里

高家溝 在縣東北十里通大湖接安東界

大荻溝 在縣西二十五里

雙溝 在縣西北六十里

蒲溝 一在縣南二十里一在縣西北七十里

唐溝 在縣東三十里

高唐溝 在縣西北七十五里

鴻溝 在縣西四十里

軍屯溝 在縣西南十五里

金湖 在縣東南五十里四時不涸

碩項湖 即大湖在縣東九十里與桑墟湖通

有小河達淮表四十里廣八十里沐陽海州安

東連界通商賈連高家溝新安異民專其魚利

桑墟湖 在縣北四十里夏瀦水冬陸地

山家蕩 在縣西十五里

銅盆蕩 在縣南三十里

呂家井 在縣東里許味甘美大旱不涸

海州

錦屏山 去城二里二峯如削似龍之二角舊

名胸山俗呼馬耳山非也明知州翁承選改名

青龍山上有五龍潭下有青龍澗支流於白碧

山之左至龍口其聲鞳鞳遠聞萬姓汲之賴以

資生此山列於州前花草秀發似錦屏然今州

守孫明忠因改為錦屏山

石棚山 即青龍山東北嶺有巨石覆巖天然

成室可容十數人八景中所謂石室春風者是

也棚嶺甚峻了無花木宋石曼卿判海州政事

之暇讀書於此乃以泥裏桃核爲彈擲其上數

年間花發滿山爛如錦繡因名萬花巖旁有棲

鳳崖疊翠崖遊人不絕如縷誠一郡奇觀也

孔望山 在州東五里輿地要覽孔子問官於

鄒子嘗登此山以望東海故名石上有車轍之

跡併諸賢像昔有亭立孔子神主後廢今前任

孫知州明忠復建亭上有墨池下有龍洞

白碧山 在州西南一里舊名白虎山今改名

白碧

盧石山 在州東南六十里山多黑石漢書韓

信爲楚王鎮於三盧即此宋張耒有詩

北望山 在城西一百六十里上有二石白俗

傳秦始皇東巡時洗頭盆

大星山 小星山 在州東南七十里二山

相對舊傳有星墮此

東陬山 西陬山 在州東南百里東陬居

海中西陬居海隅二山對峙

大伊山 小伊山 俱在城南百里二山南

北相向距二十里許

安峯山 在州西南九十里

伊盧山 在州東南八十里上有龍祠石鐸水

旱禱最應

羽山 在州百餘里即殛鯀處尚有殛鯀盤在

白玉山 在州西一百里羽山之南其石潔白

如玉

房山 在州西南六十里有巨石如房

虎山 形如虎在州西南五十里

龍山 在虎山東南一里

牛山 在州西南七十里產水晶石泗州明陵

於此發脉

弁霧山 在虎山東北常有雲霧在上望之如

冠弁

華蓋山 在弁霧山東形如華蓋故名

馬嶺山 在州西一百五十里與郟城分水嶺

爲界接沂州境

銀山 在石湫鎮九洪橋北其山近海多白石

日出照耀如銀

罍山 在州東五十里舊志云秦始皇浮海而

還見巨魚射殺於此

蠓山 在海中去州治東南一百里潮上沒其

半山多蠓故名

社林山 在東海城東六里有崔生祠又云舊

有土谷神祠在上故名

浦山 通於海浦在社林山東北去東海城一

十五里

蒼梧山 在東海城北海中有九嶺山如九嶷

之勢一名鬱州一名郁州俗傳山從蒼梧飛來

上有南方樹木

雲臺山 在東海中周圍百餘里清幽秀麗雲

氣鬱葱一名青峯頂即三官經云雲臺山放大

毫光是也山北有望日峯昧爽時登峯遠眺見

日昇海中嵯峨鏡瑩難爲摹擬真天下奇觀也

萬曆初年有三官大帝顯靈此山赫赫昭然山

陽縣民謝純愛此山奇秀遂披剝棲隱募創殿

宇與太和三茅諸山爭勝

獅子巖山 在東海城北二十里有濯纓泉下

有鬱林觀昔徐生學道於此一夕化去葬於山